



KOSOVO SPECIALIST CHAMBERS
DHOMAT E SPECIALIZUARA TË KOSOVËS
SPECIJALIZOVANA VEÇA KOSOVA

Numri i lëndës: KSC-BC-2020-06

Prokurori kundër Hashim Thaçit, Kadri Veselit, Rexhep Selimit dhe Jakup Krasniqit

Vendosi: Gjykatësi i Procedurës Paraprake

Gjykatës Nikola Giju

Administratore: Dr. Fidelma Donlon

Data: 28 shtator 2021

Gjuha: Anglishte

Klasifikimi: Publik

Vendim mbi Kërkesën e Prokurorisë për Zgjatjen e Afatit

Prokurorit të Specializuar
Xhek Smith

Mbrojtësit të Hashim Thaçit
Gregori Kihou

Mbrojtësit të Viktimave
Sajmon Loz

Mbrojtësit të Kadri Veselit
Ben Emerson

Mbrojtësit të Rexhep Selimit
Dejvid Jang

Mbrojtëses së Jakup Krasniqit
Venkatesvari Alagendra

GJYKATËSI I PROCEDURËS PARAPRAKE,¹ në përputhje me nenin 39(13) të Ligjit nr. 05/L-053 për Dhomat e Specializuara dhe Zyrën e Prokurorit të Specializuar (“Ligji”) dhe rregullat 9, 95(2)(b) dhe 102(3) të Rregullores së Procedurës dhe të Provave para Dhomave të Specializuara (“Rregullorja”), nxjerr këtë urdhër.

I. HISTORIKU PROCEDURAL DHE PARASHTRIMET

1. Më 23 nëntor 2020, Gjykatësi i Procedurës Paraprake ndër të tjera urdhëroi që Zyra e Prokurorit të Specializuar (“ZPS”) të jepte një njoftim të hollësishëm të provave sipas rregullës 102(3) të Rregullores (“Njoftimi”) deri të premten, 30 prill 2021.²
2. Më 24 mars 2021³ dhe 24 qershor 2021,⁴ Gjykatësi i Procedurës Paraprake zgjati afatin e ZPS-së për dorëzimin e Njoftimit.
3. Më 31 korrik 2021, ZPS-ja dorëzoi Njoftimin.⁵
4. Më 8 shtator 2021, Gjykatësi i Procedurës Paraprake ndryshoi më tej afatet lidhur me nxjerrjen e materialeve të rregullës 102(3) dhe urdhëroi ZPS-në t’i jepte Mbrojtjes hollësi të mëtejshme, brenda dy javësh nga secila prej kërkesave të Mbrojtjes për informacion, ose më herët.⁶

¹ KSC-BC-2020-06, F00001, Kryetarja, *Vendim për Caktimin e Gjykatësit të Procedurës Paraprake*, 23 prill 2020, publik.

² KSC-BC-2020-06, F00099, Gjykatësi i Procedurës Paraprake, *Vendim Kornizë mbi Nxjerrjen e Provave dhe Çështje lidhur me Të*, (“Vendimi Kornizë”), 23 nëntor 2020, publik, para. 99(f).

³ KSC-BC-2020-06, Transkript i seancës, 24 mars 2021, publik, f. 390, rreshti 17 deri në f. 391, rreshti 10.

⁴ KSC-BC-2020-06, F00370, Gjykatësi i Procedurës Paraprake, *Vendim mbi Kërkesën e Prokurorisë për Zgjatje të Afatit për Dhënien e Njoftimit sipas Rregullës 102(3)*, 24 qershor 2020, publik.

⁵ KSC-BC-2020-06, F00421, Prokurori i Specializuar, *Njoftim i Prokurorisë sipas rregullës 102(3)*, 30 korrik 2021, publik, me Shtojcën 1, konfidenciale, dhe Shtojcën 2, rreptësisht konfidenciale dhe ex parte.

⁶ KSC-BC-2020-06, F00460, Gjykatësi i Procedurës Paraprake, *Vendim mbi Kërkesën e Mbrojtjes për Ndryshim të Njoftimit sipas Rregullës 102(3)*, 8 shtator 2021, publik, para. 27(d).

5. Më 24 shtator 2021, ekipet e Mbrojtjes së Hashim Thaçit, Kadri Veselit, Rexhep Selimit dhe Jakup Krasniqit, dorëzuan njoftim të përbashkët ku kërkonin hollësi të mëtejshme lidhur me Njoftimin ("Njoftimi i Përbashkët i Mbrojtjes").⁷

6. Më 28 shtator 2021, ZPS-ja kërkoi zgjatje të afatit deri më 22 tetor 2021 për t'iu përgjigjur Njoftimit të Përbashkët të Mbrojtjes, duke marrë parasysh se: (i) të katër të akuzuarit i dorëzuan kërkesat në të njëjtën kohë; (ii) kërkesa për përshkrime shtesë lidhet me 24.000 prova; (iii) nevojitet kohë për vlerësimet e sigurisë; dhe (iv) ZPS-ja po trajton kërkesa të shumta të njëkohshme lidhur me nxjerrjen e materialeve të rregullës 102(3) ("Kërkesa").⁸

II. DISPOZITAT LIGJORE PËRKATËSE

7. Në pajtim me rregullën 9(5)(a) të Rregullores, nëse i tregohen arsye të vlefshme, ose *proprio motu*, Paneli mund të zgjasë ose shkurtojë afatet e përcaktuara prej Rregullores apo prej Panelit.

8. Në pajtim me rregullën 9(6) të Rregullores, në qoftë se nuk i shkaktohet dëm palës kundërshtare, vendimi mbi një kërkesë për ndryshimin e afatit mund të merret pa i dhënë palës kundërshtare mundësinë për të shprehur mendimin.

9. Rregulla 95(2)(b) parasheh se Gjykatësi i Procedurës Paraprake cakton afatet për nxjerrjen e materialit.

10. Rregulla 102(3) e Rregullores përcakton se, bazuar në nenin 21(6) të Ligjit, Prokurori i Specializuar i jep njoftim të hollësishëm Mbrojtjes për çdo material dhe provë që ka në zotërim.

⁷ KSC-BC-2020-06, F00489, Mbrojtja, Njoftim i Përbashkët i Mbrojtjes lidhur me Njoftimin e ZPS-së sipas Rregullës 102(3), 24 shtator 2021, publik, me Shtojcën 1, konfidenciale.

⁸ KSC-BC-2020-06, F00494, Prokurori i Specializuar, Kërkesë e Prokurorisë për Zgjatjen e Afatit për t'iu Përgjigjur F00489, 28 shtator 2021, publik, para. 1-2.

III. DISKUTIM

11. Në lidhje me zgjatjen e kërkuar të afatit, Gjykatësi i Procedurës Paraprake vlerëson se ZPS-së do t'i nevojitet kohë shtesë për përpunimin e numrit të materialeve të identifikuar në Njoftimin e Përbashkët të Mbrojtjes, dhe se zgjatja e kërkuar e afatit do të mundësojë kryerjen e vlerësimeve të sigurisë lidhur me ato materiale.⁹

12. Veç kësaj, meqenëse nxjerrja e materialeve të rregullës 102(3) ende vazhdon dhe zgjatja e kërkuar e afatit do të mundësojë parashtrimin e Njoftimit me hollësi të mëtejshme, Gjykatësi i Procedurës Paraprake vlerëson se zgjatja e kufizuar e afatit të ZPS-së deri më 22 tetor 2021 nuk do t'i shkaktojë asnjë dëm Mbrojtjes.

13. Rrjedhimisht, Gjykatësi i Procedurës Paraprake konstaton se janë paraqitur arsye të vlefshme që përligjin zgjatjen e kërkuar të afatit.

IV. VENDIM

14. Për arsyet e lartpërmendura, Gjykatësi i Procedurës Paraprake:

- a) **MIRATON** Kërkesën; dhe
- b) **ZGJAT** afatin e ZPS-së për t'iu përgjigjur Njoftimit të Përbashkët të Mbrojtjes deri **të premten, 22 tetor 2021**.

/nënshkrimi/

Gjykatës Nikola Giju
Gjykatësi i Procedurës Paraprake

E martë, 28 shtator 2021
Në Hagë, Holandë

⁹ Kërkesa, para. 2.